

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 422417 22 St
Tuzla, 04.07.2022 godine

OPĆINSKI SUD U TUZLI, sudija Arnaut Faruk, u postupku predhodnog ispitivanja prijedloga za otvaranje stečajnog postupka nad dužnikom **„OAO BH“ d.o.o. za proizvodnju, promet i usluge Klokotnica bb Doboj- Istok, Zlatnih Ljiljana 24., Gračanica**, dana 04.07.2022. godine donio je slijedeće,

R J E Š E N J E

POKREĆE SE PRETHODNI POSTUPAK radi utvrđivanja uslova za otvaranje stečajnog postupka nad imovinom privrednog društva **„OAO BH“ d.o.o. za proizvodnju, promet i usluge Klokotnica bb Doboj- Istok, Zlatnih Ljiljana 24., Gračanica**.

Za privremenog stečajnog upravnika imenuje Nedret Kikanović iz Tuzle.

Privremeni stečajni upravnik dužan je odmah po prijemu rješenja o imenovanju preduzeti radnje utvrđene odredbom člana 63. Zakona o stečaju, a naročito:

- **obezbijediti imovinu dužnika i starati se o istoj,**
- **ima ovlašćenja da uđe u poslovne prostorije dužnik i provede neophodne radnje,**
- **utvrditi da li postoji razlog za otvaranje stečajnog postupka,**
- **ispitati da li će imovina stečajnog dužnika pokriti troškove stečajnog postupka,**
- **utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka i**
- **uraditi kontrolu poslovanja stečajnog dužnika.**
- **kada je podnosilac prijedloga za otvaranje stečajnog postupka stečajni dužnik, dostaviti izjašnjenje da li je stečajni dužnik, odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti.**

Privremeni stečajni upravnik dužan je podnijeti svoj pismeni izvještaj ovom sudu u roku od 30 dana od dana donošenja ovog rješenja u kome će izvijestiti ovaj sud o preduzetim radnjama i iznijeti svoje stručno mišljenje o tome da li postoje razlozi za

otvaranje stečajnog postupka, odnosno da li postoje bilo kakvi izgledi za nastavak daljeg poslovanja dužnika.

Mjere pojedinačnog prinudnog izvršenja pokrenute protiv stečajnog dužnika se obustavljaju, izlučna i razlučna prava povjerioci ne mogu ostvariti u predhodnom postupku, stečajni dužnik ne može raspolagati budućom stečajnom masom bez saglasnosti privremenog stečajnog upravnika i suda, a sve to u cilju osiguranja buduće stečajne mase.

Rješenje će biti objavljeno u „Službenim novinama FBiH“, web stranici Općinskog suda u Tuzli i na Internet stranici FIA-e, te se pozivaju povjerioci da privremenom stečajnom upravniku bez odlaganja dostave prijedlog mjera osiguranja na predmetima stečajnog dužnika koje će eventualno zahtijevati.

Ovo rješenje će se dostaviti Odjeljenju registra ovog Suda, Zemljišno-knjižnom uredu Općinskog suda u Gračanici i Službi za geodetske i imovinsko-pravne poslove Općine Gračanica, radi upisa zabilježbe otvaranja prethodnog postupka.

O b r a z l o ž e n j e

Predlagač „OAO BH“ d.o.o. za proizvodnju, promet i usluge Klokotnica bb Doboj-Istok, putem zastupnika-direktora Tatjana Pavlović Mehanović podnio je dana 05.04.2022. godine ovom sudu prijedlog za otvaranje stečajnog postupka nad ovim privrednim društvom, zbog platežne nesposobnosti stečajnog dužnika.

Stečajni sudija nakon što je utvrdio da je prijedlog za pokretanje stečajnog postupka podnesen od strane ovlaštenog predlagača u smislu odredbe člana 58. stav 1. i 2. Zakona o stečaju i da je isti dopušten, dana 07.06.2022. godine, naložio je predlagaču da uplati novčana sredstva na ime predujma finansiranja troškova prethodnog postupka radi utvrđivanja uslova otvaranja stečajnog postupka.

Predlagač „OAO BH“ d.o.o. za proizvodnju, promet i usluge Klokotnica bb Doboj-Istok, je dana 24.06.2022. godine dostavio sudu dokaz o uplati predujmljenih sredstava za finansiranje prethodnog postupka u iznosu od 5.000,00 KM.

Na osnovu priložene dokumentacije i to: Rješenje Općinskog suda u Tuzli broj 032-0-Reg-14-001799 od 18.12.2014. godine, pravosnažno 12.11.2015. godine, Rješenje o otvaranju likvidacionog postupka broj 32 0 L 230460 15 L od 14.04.2015. godine, Rješenje o odbijanju prijedloga za otvaranje stečajnog postupka broj 32 0 St 230430 19 St od 13.09.2019. godine, Zapisnik sa ročišta za ispitivanje prijava potraživanja obroj 32 0 St 353144 19 St od 21.12.2020. godine sa izvodom iz tabele ispitanih potraživanja, broj 32 0 St 353144 19 St od 14.12.2021. godine, Dopis vlasnika OAO doo Slovenija od 05.01.2021. godine, Bilans stanja na dan 31.12.2021. godine, ovjeren kod FIA dana 26.02.2022. godine, Bilans uspjeha za period 01.01. do 31.12.2021. godine ovjeren kod FIA dana 26.02.2022. godine, Obavijest o stanju računa NLB banke broj 58/22 od 05.05.2022. godine, Potvrda o stanju računa Intesa San Paolo Bank od 12.05.2022. godine, Uvjerenje PU KPU Tuzla – PI Gračanica broj 13-3/3-12-5-97887/22 od 12.05.2022. godine, Uvjerenje UIO RC Tuzla broj 02/6/IV-16-11-39-3385-1 od 10.05.2022. godine predlagač je učinio vjerovatnim platežnu nesposobnost.

Na ročištu za saslušanje stečajnog dužnika održanog dana 07.06.2022. godine, zastupnik-direktor predlagača Tatjana Pavlović Mehanović je izjavila da u cijelosti ostaje kod prijedloga za otvaranje stečajnog postupka nad imovinom društva „OAO BH“ d.o.o. za proizvodnju, promet i usluge Klokotnica bb Doboj- Istok, navodeći iz razloga što ne postoje dalji ekonomski uvjeti za rad društva zbog nesolventnosti. U pogledu prezaduženosti društva zakonski zastupnik navodi da je u spis dostavio Uvjerenje UIO RC Tuzla poreznih obaveza u iznosu od 1.605,941,57 KM. Kako je navela, račun društva je u blokadi, koliko je poznato društvo ima određene obaveze prema dobavljačima i uposlenicima, a eventualno postoje potraživanja društva dužnika po osnovu uplaćenog avansa prema dobavljačima u inostranstvu za robu koja nije isporučena. U pogledu imovine društvo , navodi da društvo ne posjeduje pokretnu ili nepokretnu imovinu.

Na osnovu podnesene dokumentacije i zakonskog zastupnika stečajnog dužnika, sud nije u mogućnosti da sam procijeni postojanje svih neophodnih uslova koje Zakon predviđa za otvaranje stečajnog postupka, te se donosi rješenje o pokretanju prethodnog postupka radi utvrđivanja uslova za otvaranje stečajnog postupka nad dužnikom, temeljem odredbe člana 61. stav 1. Zakona o stečaju („Sl. novine F BiH“, br.53/2021.).

Odluka iz stava 3. ovog rješenja donesena je temeljem odredbe člana 63. Zakona o stečaju, a nakon što je utvrđeno da privremeni stečajni upravnik ispunjava uslove za imenovanje utvrđene odredbom člana 71. Zakona o stečaju.

Na osnovu navedenog, temeljem citiranih odredbi zakona, sud je odlučio kao u izreci rješenja.

SUDIJA
Faruk Arnaut

POUKA O PRAVNOM LIJEKU: Protiv ovog rješenja dozvoljena je žalba u roku od 8 (osam) dana, računajući od petog dana od dana objavljivanja u „Sl. Novinama FBiH“ . Žalbu mogu uložiti stečajni dužnik i privremeni stečajni upravnik. Žalba se podnosi Kantonalnom sudu putem ovog Suda.